



- SENAT -

Broj: 01-38-2828/14

Sarajevo, 16. 07. 2014. godine

Na osnovu članova 56. i 190. Statuta Univerziteta u Sarajevu, Senat je na 24. sjednici održanoj 16. 07. 2014. godine usvojio

P R A V I L N I K O PRIZNANJIMA I NAGRADAMA UNIVERZITETA U SARAJEVU

I OPĆE ODREDBE

Član 1.

Pravilnikom o priznanjima i nagradama Univerziteta u Sarajevu (u daljnjem tekstu: Pravilnik) utvrđuju se priznanja i nagrade koje dodjeljuje Univerzitet u Sarajevu, te uvjeti i postupak za dodjeljivanje istih.

Član 2.

Priznanja Univerziteta u Sarajevu (u daljnjem tekstu: priznanja Univerziteta) mogu se, pod uvjetima i postupcima utvrđenim ovim pravilnikom, dodijeliti svršenim studentima prvog, drugog i trećeg ciklusa, akademskom i naučnom osoblju Univerziteta u Sarajevu kao i domaćim i stranim fizičkim i pravnim licima.

Član 3.

Priznanja Univerziteta uručuje rektor Univerziteta.

II PRIZNANJA UNIVERZITETA

Član 4.

Priznanja Univerziteta u Sarajevu za svršene studente Univerziteta u Sarajevu su:

- **Zlatna značka Univerziteta u Sarajevu**

Priznanje *Zlatna značka* dodjeljuje se za postignuti izuzetan uspjeh u studiju studentima fakulteta i akademija Univerziteta u Sarajevu koji su u redovnom roku završili:

- a) I ciklus studija do 30. 09. kalendarske/studijske godine u kojoj su redovno ovjerali posljednji semestar, s tim da im srednja/prosječna ocjena iz svih položenih ispita u toku studija, uključujući i ocjenu završnog rada, nije manja od 9,50 (devetzarepedeset/devetipo);
- b) II ciklus studija do 30. 09. kalendarske/studijske godine, s tim da im srednja/prosječna ocjena iz svih položenih ispita u toku I i II ciklusa studija, uključujući i ocjenu završnog rada, nije manja od 9,50 (devetzarepedeset/devetipo).

U toku jedne kalendarske/studijske godine priznanje *Zlatna značka Univerziteta u Sarajevu* se dodjeljuje za 1% ukupnog broja svršenih studenata I ciklusa studija, kao i za 1% ukupnog broja svršenih studenata II ciklusa studija.

- **Srebrna značka Univerziteta u Sarajevu**

Priznanje *Srebrna značka* dodjeljuje se za postignuti uspjeh u studiju studentima fakulteta i akademija Univerziteta u Sarajevu koji su u redovnom roku završili:

- a) I ciklus studija do 30. 09. kalendarske godine u kojoj su redovno ovjerali posljednji semestar, s tim da im srednja/prosječna ocjena iz svih položenih ispita, uključujući i ocjenu završnog rada, nije manja od 9 (devet);
- b) II ciklus studija do 30. 09. kalendarske godine u kojoj su redovno ovjerali posljednji semestar, s tim da im srednja/prosječna ocjena iz svih položenih ispita u toku I i II ciklusa studija, uključujući i ocjenu završnog rada, nije manja od 9,00 (devet).

U toku jedne kalendarske/studijske godine priznanje *Srebrna značka Univerziteta u Sarajevu* se dodjeljuje za sljedećih 2% ukupnog broja svršenih studenata I ciklusa studija, odnosno 2% ukupnog broja svršenih studenata II ciklusa studija.

- **Povelja Univerziteta u Sarajevu**

U slučaju da na nekom od fakulteta ili akademija nijedan student ne završi studij sa odličnim uspjehom do 30. 09. kalendarske/studijske godine u kojoj je redovno ovjerio posljednji semestar, najboljem studentu tog fakulteta ili akademije, a čija je srednja/prosječna ocjena manja od 9,00, dodjeljuje se *Povelja Univerziteta u Sarajevu*.

- **Medalja Univerziteta u Sarajevu**

Dodjeljuje se za izuzetna dostignuća u nastavnoj, naučnoj, umjetničkoj, kulturnoj, sportskoj i drugim djelatnostima Univerziteta na domaćem i međunarodnom nivou.

- **Plaketa Univerziteta**

Dodjeljuje se za izuzetne zasluge organizacionim jedinicama/članicama Univerziteta, tijelima i članovima akademskog osoblja članica Univerziteta i Univerziteta za saradnju domaćih i inostranih univerziteta i drugih institucija sa Univerzitetom, te za značajan doprinos u radu ili razvoju Univerziteta i visokog obrazovanja.

- **Zahvalnica Univerziteta**

Dodjeljuje se za dugogodišnji uspješan rad članova akademskog i neakademskog osoblja članica Univerziteta i Univerziteta, te za doprinos u radu ili razvoju Univerziteta.

- **Ambasador Univerziteta**

Dodjeljuje se za promociju Univerziteta na međunarodnom nivou.

- **Nagrada za mir i progres**

Univerzitet u Sarajevu, kao visokoobrazovna institucija koja je stekla uvažavanje najšire međunarodne akademske zajednice za svoje neprekinuto djelovanje i slijeđenje visokih civilizacijskih vrijednosti i akademskih načela u uvjetima 1426 dana duge ratne opsade grada Sarajeva, dodjeljuje ovu nagradu domaćim i stranim fizičkim i pravnim licima za izuzetan doprinos afirmaciji i ugledu Univerziteta u Sarajevu u zemlji i inostranstvu i razvoju mira, humanizma i progresu u svijetu.

III IZGLED PRIZNANJA UNIVERZITETA

Član 5. (Zlatna značka)

Zlatna značka nalazi se u zlatnom ramu dimenzija 14 x 18,5 cm. Zlatni logo Univerziteta u Sarajevu prečnika 6,4 cm i pločica sa imenom i prezimenom dobitnika priznanja dimenzija 6 x 2 cm nalaze se unutar rama na platnenoj „pliš“ pozadini tamnoplave boje.

Član 6. (Srebrna značka)

Srebrna značka nalazi se u srebrnom ramu dimenzija 14 x 18,5 cm. Srebrni logo Univerziteta u Sarajevu prečnika 6,4 cm i pločica sa imenom i prezimenom dobitnika priznanja dimenzija 6 x 2 cm nalaze se unutar rama na platnenoj „pliš“ pozadini tamnoplave boje.

Član 7. (Povelja Univerziteta)

Povelja Univerziteta se štampa na kvalitetnom 200 g papiru dimenzija 59,4 x 42 cm, a njen sadržaj čine: naziv i znak Univerziteta, naziv priznanja, ime i prezime studenta, broj i datum izdavanja te potpis rektora i pečat Univerziteta.

Član 8. (Medalja Univerziteta)

Medalja Univerziteta nalazi se u ukrasnoj drvenoj obrađenoj kutiji dimenzija 15,5 x 20,5 cm. Unutar kutije na tamnoplavoj pozadini nalaze se stilizirani zlatni logo Univerziteta u Sarajevu prečnika 6,4 cm i pločica sa imenom i prezimenom dobitnika priznanja.

Član 9. (Plaketa Univerziteta)

Plaketa Univerziteta se štampa na kvalitetnom 200 g papiru dimenzija 42 x 29,7 cm, a njen sadržaj čine: naziv i znak Univerziteta, naziv priznanja, ime i prezime fizičkog lica odnosno naziv pravnog lica, kratko obrazloženje iz odluke Senata o dodjeli *Plakete Univerziteta*, broj i datum izdavanja te potpis rektora i pečat Univerziteta.

Uz *Plaketu Univerziteta* dodjeljuje se i prigodno obilježje reljefnog izgleda sa ugrađenim znakom Univerziteta, a sadrži naziv priznanja, ime i prezime fizičkog lica odnosno naziv pravnog lica. Odluku o konačnom izgledu ovog obilježja donosi Senat.

Član 10. (Zahvalnica Univerziteta)

Zahvalnica Univerziteta se štampa na kvalitetnom 200 g papiru dimenzija 42 x 29,7 cm, a njen sadržaj čine: naziv i znak Univerziteta, naziv priznanja, ime i prezime fizičkog lica odnosno naziv pravnog lica, kratko obrazloženje iz odluke Senata o dodjeli *Zahvalnice Univerziteta*, broj i datum izdavanja te potpis rektora i pečat Univerziteta.

Član 11.
(Ambasador Univerziteta)

Priznanje *Ambasador Univerziteta* se štampa na kvalitetnom 200 g papiru dimenzija 42 x 29,7 cm, a sadržaj čine: naziv i znak Univerziteta, naziv priznanja, ime i prezime fizičkog lica odnosno naziv pravnog lica, kratko obrazloženje iz odluke Senata o dodjeli priznanja *Ambasador Univerziteta*, broj i datum izdavanja te potpis rektora i pečat Univerziteta.

Član 12.
(Nagrada za mir i progres)

Nagrada za mir i progres Univerziteta se štampa na kvalitetnom 200 g papiru dimenzija 59,4 x 42 cm, a njen sadržaj čine: naziv i znak Univerziteta, naziv priznanja, ime i prezime fizičkog lica odnosno naziv pravnog lica, kratko obrazloženje iz odluke Senata o dodjeli *Nagrade za mir i progres Univerziteta*, broj i datum izdavanja te potpis rektora i pečat Univerziteta.

Uz *Nagradu za mir i progres Univerziteta* dodjeljuje se i prigodno obilježje reljefnog izgleda sa ugrađenim znakom Univerziteta, a sadrži naziv priznanja, ime i prezime fizičkog lica odnosno naziv pravnog lica. Odluku o konačnom izgledu ovog obilježja donosi Senat.

IV POSTUPAK DODJELE PRIZNANJA UNIVERZITETA

Član 13.

Prijedlog za pokretanje postupka dodjele priznanja Univerziteta mogu dati: tijela Univerziteta, nastavno-naučno/nastavno-umjetničko vijeće fakulteta/akademija/instituta.

Prijedlog za pokretanje postupka upućuje se u pisanom obliku Odboru za dodjelu univerzitetskih priznanja (u daljnjem tekstu: Odbor).

Član 14.

Prijedlog za dodjelu priznanja Univerziteta fizičkom licu obavezno sadrži:

- biografiju,
- opis njegovog nastavnog, naučnog i javnog rada,
- obrazloženje doprinosa na kojem se temelji prijedlog.

Prijedlog za dodjelu priznanja Univerziteta pravnom licu obavezno sadrži:

- naziv i sjedište,
- djelatnost,
- obrazloženje doprinosa na kojem se temelji prijedlog.

Član 15.

Senat Univerziteta donosi odluku o dodjeli priznanja Univerziteta na osnovu izvještaja Odbora.

Izvještaj Odbora sadrži podatke utvrđene u članu 4. ovog pravilnika.

Član 16.

Dodjela priznanja Univerziteta je svečani čin, a izabranim fizičkim/pravnim licima uručuje ih rektor na svečanosti povodom *Dana Univerziteta* ili drugim prigodnim svečanostima.

V ODBOR ZA DODJELU UNIVERZITETSKIH PRIZNANJA

Član 17.

Odbor za dodjelu priznanja Univerziteta ima 9 članova, a imenuje ga Senat Univerziteta.

Odbor čine:

1. rektor, koji je po funkciji i predsjednik Odbora,
2. predstavnici grupacija nauka/umjetnosti na Univerzitetu,
3. predstavnik Upravnog odbora Univerziteta i
4. predstavnik Studentskog parlamenta.

Mandat Odbora traje četiri godine, izuzev mandata predstavnika Studentskog parlamenta čiji mandat traje jednu godinu.

Član 18.

Odbor radi na sjednicama.

Sjednica Odbora može se održati ako joj prisustvuje većina od ukupnog broja članova Odbora. Odbor donosi odluke većinom od ukupnog broja članova.

Član 19.

Stručne i administrativne poslove za rad Odbora i postupak dodjele priznanja Univerziteta obavlja Kabinet rektora Univerziteta.

Član 20.

Rektorat Univerziteta vodi posebnu evidenciju o dodjeljivanju priznanja Univerziteta.

Odluke o dodjeljivanju priznanja Univerziteta objavljuju se u „Biltenu“ Univerziteta.

VI PRELAZNE I ZAVRŠNE ODREDBE

Član 21.

Izmjene i dopune ovog pravilnika donose se na način i po postupku utvrđenom za njegovo donošenje.

Član 22.

Ovaj pravilnik stupa na snagu danom usvajanja.

Član 23.

Stupanjem na snagu ovog pravilnika prestaje važiti Pravilnik broj: 02-38-1473/10 od 13. 05. 2010. godine.

REKTOR

Prof. dr. Muharem Avdispahić

